



Claudii Fleurii Abbatis Historia Ecclesiastica

Ab anno Christi 1562 usque ad annum 1563

Fleury, Claude

August. Vind. [u.a.], 1771

VD18 9011860X

§. 36. Aliorum Præsulum sententiæ a Pallavicino non relatæ.

[urn:nbn:de:hbz:466:1-66641](#)

fuerat executioni datus: proin in Sy-
Sæcul. XVI.
nodi potestate relictum dicebat, ratio-
nes utrinque ita examinare; ut tandem
vel ad negandum ejusmodi usum, vel
ad permittendum permoveretur.

§. XXXVI.

*Aliorum Præfulum sententiæ a Palla-
vicino non relatæ.*

Plures adhuc alii Præfules suam quis-
que sententiam promebaut, ac præ- *Sarpius l. 6.*
primis Thomas Cafalius Cavenis Epif-
copus calicem omnino denegandum
censuit: Bartholomæus quoque Bracca-
rensis in Luhitania Episcopus idem ten-
tiebat, postulans, ut Principum Orato-
res a deliberationibus abescent, quam
etiam petitionem insinuabat Aëgydius
Falceta Caprulanus Antistes, quamvis
Legati Oratores excludi minime an-
nuerent, veriti, ne exinde rumor con-
citaretur. Censuit quoque Conimбри-
censis Episcopus totum hoc negotium
ad summum Pontificem esse remitten-
dum: Bernardinus tamen de Cu-
pio Auximanus in Marchia Anconita-
na Episcopus hæc addebat: „ego exi-
stimo, quod calix vel hac, vel alia ra-
tione nobis bibendus sit: de cetero au-
tem oro Deum, ut saltem ejus rei suc-
cessum in christianorum salutem diri-
gere velit.„ Econtra Petrus Dane-

Hist. Eccles. Tom. XLV. T hus

A.C. 1562.

p. 545.

Sæcul. XVI. sius Vivariensis, seu Vauriensis Episco-
A.C. 1562. pus nihil definiebat, utrum calix sit
concedendus, vel denegandus, sed totus in eo erat, ut illorum confutaret o-
pinionem, qui rem ad Papæ judicium
esse rejiciendam arbitrabantur: Cete-
rum Andreas Cuesta, seu Costa Legio-
nensis in Hispania Episcopus edixit, hæ-
reticis ne unum quidem apicem in
eorum petito esse concedendum, quam
in rem Antonius Gorronerus Alme-
riensis Episcopus affirmabat, se in ne-
gantium opinione confirmari propter
eadem rationes ab illis allatas, qui ca-
licem permittendum propugnassent:
Eadem ferme proferebat Hieronymus
Guerinus Imolensis Antistes: denique
Joannes Baptista Astensis Fratrum Ser-
vorum Generalis negantium parti ad-
hæfit, atque ad evertenda adversario-
rum argumenta Concilii Constantiensis
auctoritatem pluribus commendavit.
Ceterum tot sermones, ac colloquia cir-
ca hanc quæstionem habebantur, ut Pa-
trum conventibus a vigesima sexta Au-
gusti die inchoatis, ac quavis die a sum-
mo mane usque ad seram noctem pro-
tractis necdum, cum diei sextæ Septem-
bris vesper ingrueret, omnium Patrum
sententiæ excipi potuerint.

§. XXXVII.

